



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Chronicon Cisterciensis Ordinis**

**Le Mire, Aubert**

**Coloniae Agrippinae, 1614**

Regvla Pavpervm Commilitonum Christi, Templic[ue] Salomonici.  
Prologvs.

**urn:nbn:de:hbz:466:1-11259**

*REGVLA PAUPERVM COM-  
militonum Christi, Templiq;  
Salomonici.*

## PROLOGVS.

**O**MNIBVS in primis sermo noster di-  
rigitur, quicumque proprias volun-  
tates sequi contemnunt, & summo ac vero  
Regi militare animi puritate cupiunt, vt  
obedientiæ armaturam præclarâ assumere,  
intentissima cura implendo præoptent, &  
perseuerando impleant. Hortamur itaque,  
qui vsque nunc militiam secularem, in qua  
Christus non fuit causa, sed solo humano  
fauore amplexati estis, quatenus horum  
vnitati, quos Dominus ex massa perditio-  
nis elegit, & ad defensionem Sanctæ Eccle-  
siæ gratuita pietate composuit, vos so-  
ciandos perenniter festinetis. Ante om-  
nia autem, quicumque es, ô Christi miles,  
tam sanctam conuersationem eligens, te  
circa professionem tuam oportet puram  
adhibere diligentiam, ac firmam perseue-  
rantiam; quæ à Deo tam digna, sancta &  
sublimis esse dignoscitur, vt si purè & per-  
seueranter obseruetur, inter militantes,  
qui pro Christo animas suas dederunt, for-  
tem obtinere mereberis: In ipsa namque  
refloruit iam & reluxit Ordo militaris,  
qui despecto iustitiæ zelo, non pauperes  
aut



aut Ecclesias defensare, quod suum erat, sed rapere, spoliare, interficere contendebant. Benè igitur nobiscum agitur, quibus Dominus & Saluator noster IESVS Christus amicos suos à ciuitate Sancta in cōtinuum Franciæ & Burgundiæ direxit, qui pro nostra salute, veræque fidei propagatione nõ cessant animas suas, hostiam Deo placentem, offerre. Nos ergo cum omni gratulatione ac fraterna pietate precibusque Magistri Hugonis, in quo prædicta militia sumpsit exordium, cum Spiritu sancto intimante ex diuersis Ultra-montanæ prouinciæ mansionibus in solennitate Sancti Hilarij anno M, C X XVIII. ab incarnato Dei Filio, ab inchoatione prædictæ militiæ I X. ad Trekas, Deo duce in vnum conueniens, & modum & obseruantiam equestris Ordinis per singula capitula ex ore ipsius Magistri Hugonis audire meruimus ac iuxta notitiam exiguitatis nostræ scientiæ, quod nobis videbatur absurdum, omneq; quod in præsentì cōcilio nequiuìt esse nobis memorabiliter relatum ac computatum, non leuitate, sed cōsultè prouidentia & discretionì venerabilis Patris nostri Honorij, ac inclyti Patriarchæ Hierosolymitani Stephani fertilitate ac necessitate non ignari orientalis religionis, nec non pauperum commilitonum Christi, consilio commu-  
nis



nis capituli vnanimiter commendauimus. Sanè autem prorsus licet nostri dictaminis auctoritate, permaximus numerus religiosorum Patrum, qui in illo concilio diuina ammonitione conuenerunt, commendat, non debemus silenter transire, quibus uidentibus & veras sententiâs proferentibus, ego *Ioannes Michaëlenfis* præsentis paginae, iussu Concilij, ac uenerabilis \* Abbatis *Clareuallensis*, cui creditum ac debitum hoc erat, humilis scriba esse diuinâ gratiâ metui.

\* S. Bernardū intellige.

NOMINA PATRVM RESIDENTIUM in Concilio Trecenti.

**P** R I M V S quidem resedit *Matthæus*, Albanensis Episcopus, Dei gratiâ S.R.E. Legatus: Deinde *Ranaldus*, Archiepiscopus Remensis: Tertius *Henricus*, Archiepiscopus Senonensis. De hinc Coepiscopi eorum, *Ranaldus* Carnotensis Episcopus, *Goffenus* Suefionum Episcopus; Episcopus Parisiensis; Episcopus Trecentis; Præsul Aurelianensis; Episcopus Antisiodorensis; Episcopus Meldensis; Episcopus Latalaunensis; Episcopus Laudunensis; Episcopus Beluaecensis; Abbas Vezelacensis, qui non multo post factus est Lugdunensis Archiepiscopus, ac S.R.E. Legatus. Abbas Cisterciensis; Abbas Pontiniacensis; Abbas trium fontium; Abbas S. Dionysij de Remis;

Huius Concilij meminit Tyrius li 12. hist. belli sacri cap. 7.